

Script of Morning Gojri News Bulletin 09January 2025 at 1015Hrs

ما رنینگ گو جری نیو ز بلیٹن مو رخہ 09 جنو ری 2025

یوہ آکا شوانی جموں بے محمد مبارک ماہر تیں خبر سُنو۔

PM PRAVASI BHARATIYA DIWAS

وزیر اعظم نریندر مودی آج اوڈیشہ بھونیشور غا جنتا میدان مانہ ۸۱ویں پرواسی بھاریہ دیوس کنوینشن غو باضبطہ افتتاح کریں گا۔ وزیر اعظم کل شام بھونیشور پُجیا بوائی اڈہ ور اوڈیشہ غا گورنر بری بابو کمبھمپتی وزیر اعظم موبن چرن ماجھی تے مرکزی وزیر دھرمیندر پردھان نے اُن غو استقبال کیو مرکزی سرکار غی طرفوں ۸۱ویں پرواسی بھارتیہ تہاڑا غی تقریب اوڈیشہ سرکار غا تعاون سنگ ۸ تیں ۰۱ جنوری تک بھونیشور مانہ منعقد کی جارہی ہے یاہ تقریب ہندوستان غا ملخوں باہر بسن آلا شہریاں نانہ ایک دوجا نال جڑن تے آپسی رابطہ غا سلسلہ مانہ ایک پلیٹ فارم فراہم کرے ۰۵ تیں متا ملخاں غا مندوبین نے اس کنوینشن مانہ شرکت واسطے اندراج کروایو ہے اس تقریب غو مرکزی موضوع وکست بھارت مانہ ملخوں باہر بسن آلا تعاون صدر جمہوریہ دروپدی مرمو بور وی پہلک اس کنوینشن غی اختتامی تقریب مانہ شرکت واسطے آج شام بھونیشور پہچیں غی تے اس موقعہ ور ملخوں باہر بسیا ہم وطنانہ بکھ بکھ شعباں مانہ اُن غی کامیابیاں ور پرواسی بھارتیہ سمان سنگ نوازیں غی۔

ORIENTATION CAMP

جموں کشمیر غا قانون ساز اسمبلی غا اراکین واسطے ایک ۳ روزہ اورینٹیشن پروگرام آج جموں کشمیر قانون ساز اسمبلی کمپلیکس جموں غا مرکزی ہال مانہ شروع ہو رہیو ہے ہمارا نامہ نگار نے دسیو ہے جے مذکورہ پروگرام جموں کشمیر قانون ساز اسمبلی سیکرٹریٹ نے پرائیڈ لوک سبھا سیکرٹریٹ نال رل غے منعقد کر رہی ہے تانجے نواں چُنیا گیا اراکین نانہ لوکاں غی اُمیدان نانہ پوراں کرن غی اپنی خاص ذمہ داریاں نانہ بہتر طریقہ نال نبھان مانہ مدد لیے یوہ ۳ روزہ اورینٹیشن پروگرام

پارلیمانی دستور طریقہ کار تے ایون مانہ کاروبار غا طرز عمل ور ضروری معلومات غا سلسلہ مانہ منعقد کیو جاریو ہے اس اورینٹیشن پروگرام مانہ ڈاکٹر سنجے جیسوال این کے پریم چند رن تے ڈاکٹر ستیہ پال سنگھ سمیت منیا پڑمنیا پارلیمان لوک سبھا سکریٹریٹ غا سنئیر افسراں وی حصو لیں غا افتتاحی اجلاس مانہ وزیر اعلیٰ جموں کشمیر قانون ساز اسمبلی غا سپیکر نایب وزیر اعلیٰ تے دوجا اعلیٰ حکام ویں شرکت کریں غا۔

JAMMU SRINAGAR VANDE BHARAT TRAIN

ریلوے وزارت نے کہیو ہے کہ کٹڑا تیں سرینگر بشکار جموں سرینگر وندے بھارت ایکسپریس تاواں ہی چلنا شروع ہو جائے گی اس ریل گڈی مانہ ۸ ڈبہ ویں گا اور یاہ اپنو سفر ۳ گھنٹہ ۰۱ منٹ مانہ مکمل کرے گی وزارت نے دسیو ہے نوا بنایا گیو جموں ریل ڈویژن مانہ ۱ سو ۱۱ کلو میٹر لمو بانہال کٹڑا سیکشن غو آخری حفاظتی معائنو وی شروع ہو چکو ہے اور اس برے آکیر تک ریل گڈیں چلائی جائیں گی وزارت نے دسیو ہے جموں اسٹیشن مانہ ۸ پلیٹ فارماں تے جدید سہولیات سنگ آراستہ کرن خاطر اس مانہ دوہری واری تیاری کیو جاریو ہے ہمارا نامہ نگار نے خبر دتی ہے جے جموں سرینگر وندے بھارت ریل گڈی مانہ خاص طور ور اینٹی فریزنگ تکنیک یعنی ٹھنڈ موسم مانہ پریشانی تیں پاک خصوصیات غی ترغیب غے نال تربیت دتو گیو ہے مسافر تے مال بردار ریل گڈیاں غے تیں اگے برف ہٹان آلی ریل گڈیں اس گل مانہ یقینی بناویں گی جے اس رستہ ور چلن آلی ریل گڈیاں مانہ سال بھر تہاڑی رات چلايو جائے اس عمل سنگ دوباں خطاں بشکار ساراں موسماں مانہ رابطہ مانہ یقینی بنایو جائے غو۔

CANALS

جموں کشمیر جل شکتی محکمہ سالانہ صفائی تے دیکھ بھال غا کماں غا سلسلہ مانہ راوی تے توی آبپاشی نہراں گا سلسلہ مانہ بند کرن جاریو ہے ہمارا نامہ نگار نے خبر دتی ہے جے محکمہ گا ایک نوٹفکیشن غے مطابق توی لفٹ آبپاشی نہر تے راوی نہر مانہ ۰۱ جنوری ۲۰۲۵ تیں سالانہ صفائی تے دیکھ بھال تے دوجا تعمیری کماں گی

تکمیل غا سلسلہ مانہہ بند کیو جارہیو ہے مذکورہ نہراں نانہہ کھولن بارے جُدی تاریخ مانہہ دسیو جائے غو اس سلسلہ مانہہ تمام متعلقہ افسراں نانہہ ہدایت دتی گئی ہے جے وے ان سارا کماں گی تکمیل نانہہ یقینی بناویں۔

NSS VOLUNTEERS

مُلک غی ۰۲ ریاستاں گی رہنمائی کرن آلی خواتین بارے ڈگری کالجوں غا قریب ۲ سو این ایس ایس رضاکاراں ۵۲ پروگرام افسراں تے ۸۱ دستاں نے کلا کیندر جموں غو دورو کیو یوہ دورو قومی یکجہی کیمپ ۵۲۰۲ گا ایک حصہ گا طور ور کیو گیو اس کیمپ غو اہتمام مرکزی سرکار غی نوجوان امور تے کھیڈ بارے وزارت نے جموں کشمیر غا اعلیٰ تعلیمی محکمہ غے نال رل گیو ہمارا نامہ نفاہ نے دسیو جے اس دورہ غو مقصد طالبعلماں نانہہ جموں کشمیر غی بھر پور بصری تے دیسی فن تیں واقف کرانو تھو اس کیمپ غو موضوع خواتین نانہہ باختیار بنان تے آزادی تھو۔ جھیڑو ناری شکتی غی نشانی ہے مذکورہ کیمپ ۳ جنوری نانہہ شروع ہوو تھو آج یوہ موکل جائے غو اس موقع ور سیکرٹری کلا کیندر ڈاکٹر جاوید راہی نے تدریسی عملہ تے طلبہ غو خیر مقدم کیو تے جموں کشمیر غی ثقافت تے فن ور بھر پور لو کھلی۔

WEATHER

جموں کشمیر مانہہ محکمہ موسماں نے ۶۱ جنوری تک موسم مانہہ کسے وی خاص پیشرفت واسطے پیشن گوئی نہیں کی ہمارا نامہ نگار نے دسیو ہے جے محکمہ موسمیات نے دسیو ہے جے ۸ تیں ۰۱ جنوری تک موسم عام طور ور خشک رہ غو تے ۰۱ جنوری نانہہ شام ویلے تے رات چھڈ کھنڈیو ر رہ غو ۱۱ جنوری نانہہ خطہ جموں غا میدانی علاقوں مانہہ ہلکی بارش غے نال موسم عام طور ور ابر آلود رہن غو امکان ہے جد کے وادی کشمیر تے خطہ جموں غا گُج ایک اوجا مقامات ور برفباری ہون غو امکان ہے ۲۱ جنوری تیں ۴۱ جنوری تک موسم خشک رہ گو جدکے۔ ۵۱ جنوری تے ۶۱ جنوری نانہہ گُج ایک مقامات ور بدل تے ہلکی برف پے سکے محکمہ نے دسیو ہے جے گُج ایک مقامات ور ٹھینڈ غی لہر برقرار رہن غو امکان ہے سیلابیاں مسافراں اور گڈی چالکاں نانہہ انتظامیہ تے ٹریفک محکمہ غی ہدایت ور عمل کرن غی لوڑ ہے۔

HANDICRAFT RAMBAN

محکمہ دستکاری رامبن علاقہ مانہہ روزگار پیدا کرن خاطر سخت محنت کر رہیو ہے اس سلسلہ مانہہ محکمو لوکاں نانہہ اکٹھاں کرغے سرکار غی طرفوں چلائی جارہی بکھ بکھ اسکیمان بارے دہس بھال رہیو مزکورہ اسکیمان مانہہ کیکھندر تے کریڈٹ کارڈ اسکیم ایک ہیں جھیڑی بُنر ترقیات تے معاشی آزادی نانہہ بابدو دین تے لوکاں نانہہ باختیار بنان مانہہ مدد کر رہی ہے حال ہی مانہہ محکمہ نے رام بن ضلع غا بکھ بکھ علاقان مانہہ بیداری کیمپاں غو انعقاد کیو تھو جن مانہہ کھادی سنگلدان تے بانہال وی شامل تھا کھادی تے گراں بارے صنعت کمیشن کے وی آئی سی غا تعاون دستکاری شعبہ نے دستکاری واسطے بدھتی وی آمدنی نانہہ یقینی بنان بارے ارادو کیو ہے۔ ایم پی ڈی اے سکیم غے تحت دستکاری ہتھ سنگ سوت کتن آلا تے دوجا نانہہ اُن گا بینک کھاتاں تے ڈاک خانہ کھاتاں غے ذریعے اضافی ترغیب غا طور ور ۵۲ فیصد امداد فراہم کی جائے۔
